

BOSNA I HERCEGOVINA
FEDERACIJA BOSNE I HERCEGOVINE
BOSANSKO-PODRINJSKI KANTON GORAŽDE
MINISTARSTVO ZA PRIVREDU

PROGRAM UTROŠKA SREDSTAVA
(PROGRAM PODRŠKE RAZVOJU PODUZETNIŠTVA I OBRTA)

Godina: 2013.

Ekonomski kod: 614500 – POD 003

Naziv ekonomskog koda: Subvencije za podsticaj razvoja, poduzetništva i obrta

Naziv programa: Program podrške razvoju poduzetništva i obrta

Saglasnost: Saglasnost na program utroška dala je Vlada Bosansko-podrinjskog kantona Goražde Odlukom broj:03-14-355/13 od 22.02.2013. godine

Datum: Februar 2013. godine

Objavljivanje: Program je objavljen u Službenim novinama Bosansko-podrinjskog kantona Goražde broj: ___/13

Internet: www.mp.bpkg.gov.ba

Tehnički podaci o programu

Program utroška važi od - do:	01.01.2013. - 31.12.2013. godine
Ekonomski kod:	614 500 - Subvencije za podsticaj razvoja, poduzetništva i obrta
Subanalitički kod	POD 003
Budžetski razdjel:	17
Ukupna vrijednost programa:	200.000 KM
Odgovorna osoba:	Demir Imamović, dipl.eec
Pozicija odgovorne osobe:	Ministar
Kontakt osoba za program:	Almas Pita
Kontakt telefon:	038 224 264
Kontakt e-mail:	almas.pita@bpkg.gov.ba
Internet:	www.mp.bpkg.gov.ba

U skladu sa članom 42., 47. i 68. Zakona o izvršenju Budžeta Bosansko-podrinjskog kantona Goražde za 2013.godinu („Službene novine Bosansko-podrinjskog kantona Goražde“, broj: 15/12), Zakona o budžetima Federacije BiH („Službene novine Federacije BiH “, br.19/06), Zakona o sistemu državne pomoći u Bosni i Hercegovini (“Službeni glasnik BiH” broj: 10/12) i na osnovu Programa razvoja Bosansko-podrinjskog kantona Goražde (Službene novine Bosansko-podrinjskog kantona Goražde, broj: 10/11), Ministarstvo za privredu Bosansko-podrinjskog kantona Goražde utvrđuje:

PROGRAM UTROŠKA

sredstava Budžeta za 2013. godinu

sa ekonomskog koda 614 500 – POD 003- Subvencije za podsticaj razvoja poduzetništva i obrta

-1-

NAZIV PROGRAMA

Naziv Programa utroška sredstava Budžeta Ministarstva za privredu Bosansko-podrinjskog kantona Goražde sa ekonomskog koda 614 500 – POD 003 - Subvencije za podsticaj razvoja poduzetništva i obrta glasi:

"Program podrške razvoju poduzetništva i obrta"

-2-

NADLEŽNOSTI MINISTARSTVA ZA PRIVREDU

Na osnovu Zakona o kantonalnim ministarstvima i drugim tijelima kantonalne uprave Bosansko-podrinjskog kantona Goražde (Službene novine Bosansko – podrinjskog kantona Goražde broj: 05/03) nadležnosti Ministarstva za privredu Bosansko-podrinjskog kantona Goražde su predlaganje i provođenje politike u oblasti industrije, poduzimanje mjera za unaprijeđenje proizvodnje, upravljanje prirodnim bogatstvima, razvoj poljoprivrede, upravljanje poljoprivrednim zemljištem, uzgoj, zaštita i unaprijeđenje šuma, šumske komunikacije i eksploatacija šuma, industrijske vode, vodoprivredne aktivnosti, korištenje voda u energetske i rekreacijske svrhe, upotreba i zaštita voda, ulaganja u privredna preduzeća, promet roba i usluga, učešće u kreiranju politike uvoza i izvoza, kontrola cijena proizvoda i usluga, zaključivanje ekonomskih sporazuma, kreiranje i implementacija politike kantonalnog turizma, razvoj turističkih resursa, razvoj rekreativnih, rehabilitacijskih i drugih centara, promocija turizma, ugostiteljstvo, poduzetništvo, provođenje politke razvoja komunikacija i transportne infrastrukture, razvoj javnog prometa, izgradnja, obnova i održavanje saobraćajnica od značaja za kanton, modernizacija cestovnog prometa i osiguranje komunikacijskih veza na području Bosansko-podrinjskog kantona Goražde.

Program podrške razvoju poduzetništva i obrta izrađen je u skladu sa Programom razvoja Bosansko-podrinjskog kantona Goražde do 2014. godine i u skladu sa Zakonom o izvršenju budžeta Bosansko-podrinjskog kantona Goražde za 2013. godinu.

Program je takođe usklađen i sa Programom rada Vlade Bosansko-podrinjskog kantona Goražde za 2013. godinu (“Službene novine Bosansko-podrinjskog kantona Goražde”, broj: ____/13).

OPIS PROGRAMA

Program utroška je provedbeni akt Ministarstva za privredu Bosansko-podrinjskog kantona Goražde koji osigurava da se planirana sredstva budžeta Bosansko-podrinjskog kantona Goražde koriste na transparentan, specifičan i mjerljiv način u vremenski određenom periodu sa namjerom/svrhom da se kroz podsticaj zapošljavanju, rastu i razvoju obrtničke i poduzetničke djelatnosti omogući poboljšanje ukupnog životnog standarda u Bosansko-podrinjskom kantonu Goražde.

Program će obezbijediti podsticaje za sufinansiranje projekata i zahtjeva poduzetnika, obrtnika, Općine Goražde i neprofitnih organizacija koje doprinose razvoju poduzetništva i obrta u Bosansko-podrinjskom kantonu Goražde. Zahtjevi se podnose za iste namjene kao i za projekte i maksimalno mogu iznositi 3.000 KM.

Program će pružiti podršku u vidu podsticaja za pokretanje novih projekata u poduzetništvu i obrtu koji će omogućiti otvaranje novih stručnih radnih mjesta, promociju poduzetništva, jačanje kapaciteta strukovnih udruženja i mehanizama podrške razvoju poduzetništva i obrta. Podrška će se obezbijediti i u otklanjanju problema koji onemogućavaju održivo poslovanje niskoakumulativnim djelatnostima i starim zanatima.

Program utroška sredstava sa ekonomskog koda 614 500 – Subvencije za podsticaj razvoja, poduzetništva i obrta Ministarstva za privredu Bosansko-podrinjskog kantona Goražde za 2013. godinu (u daljem tekstu program), definiše bitne elemente za dobijanje saglasnosti za program od strane Vlade Bosansko-podrinjskog kantona Goražde, kao što su opšti i posebni ciljevi programa, kriteriji za raspodjelu sredstava, potrebna sredstva, korisnici sredstava, procjena rezultata, te procjena nepredviđenih rashoda i izdataka.

POČETAK I VRIJEME IMPLEMENTACIJE PROGRAMA

Program podrške razvoju poduzetništva i obrta je višegodišnji program koji se provodi u periodu od 2011. do 2014. godine.

Implementacija programa za 2013. godinu počinje dobivanjem saglasnosti od strane Vlade Bosansko-podrinjskog kantona Goražde i trajeće do 31.12.2013. godine. Krajnji rok za dostavljanje zahtjeva za korištenje sredstava ističe 01. novembra 2013. u 16:00 sati.

STANJE PODUZETNIŠTVA I OBRTA BOSANSKO-PODRINJSKOG KANTONA GORAŽDE

U 2012. godini obrtnička i poduzetnička djelatnost nije zabilježila značajniji napredak po pitanju generisanja novih radnih mjesta u odnosu na napredak koji je ostvaren u prerađivačkoj industriji kantona. Tokom 2012. godine Program podrške poduzetništvu i obrtu nije implementiran, tako da je stanje i napredak u ovoj oblasti ostalo nepromijenjeno u odnosu na 2011. godinu kada je značajan broj obrtnika podržan u okviru ovog Programa.

U posebno teškom položaju se nalaze poduzetnici i obrtnici koji djelatnost obavljaju u niskoakumulativnim djelatnostima i starim zanatima.

KLJUČNE KOREKCIJE PROGRAMA U 2013. GODINI

Kako bi se poboljšao proces planiranja, organizacije, implementacije, monitoringa i evaluacije programa, primjenjuje se propisana metodologija ministarstva privrede. Ova metodologija propisuje postupanje

komisije u slučaju prijedloga, primjedbi, sugestija i prigovora potencijalnih korisnika u toku planiranja i implementacije programa.

Programom za 2013. godinu su dodatno razrađene procedure kandidovanja prijedloga projekata i zahtjeva za sredstvima, a predviđene su i aktivnosti jačanja kapaciteta u oblasti planiranja i razvoja poduzetništva i obrta.

U skladu sa ovom metodologijom preciznije su propisani uslovi i finansijski kriteriji za ostvarivanje podrške iz ovog programa. Značajno su pooštreni kriteriji i opšti i posebni uslovi za učestvovanje u programu koji daju prednost poduzetnicima i obrtnicima koji u 2013. godini planiraju otvaranje novih radnih mjesta.

Takođe je otvorena nova programska komponenta koja je posebno namjenjena poduzetnicima i obrtnicima iz niskoakumulativnih djelatnosti, deficitarnih zanimanja i starih zanata za koje je predviđeno pružanje pomoći kako bi zadržali postojeći nivo aktivnosti, te kako bi unaprijedili svoju djelatnost na način da omogućava samoodrživi nivo poslovanja subjekata iz ovog segmenta obrtničke djelatnosti.

Programom su predviđena i za izradu idejnog rješenja zaštite stare gradske jezgre općine Goražde, adaptaciju i saniranje poslovnih objekata uz Podhranjenski potok, u cilju stvaranja povoljnijih uslova za rad obrtnika i stvaranja pretpostavki za povećanje obima prometa, nova upošljavanja i zaštitu stare gradske jezgre općine Goražde.

-7-

OPŠTI I POSEBNI CILJEVI PROGRAMA

(7.1)

(Osnovni cilj)

Osnovni cilj programa jeste povećanje broja zaposlenih u poduzetničkoj i obrtničkoj djelatnosti kroz podršku u kapitalnim ulaganjima, promocija i razvoj poduzetništva i obrta, pružanje pomoći u očuvanju postojećeg obrta i prevazilaženje poteškoća u njihovom radu.

(7.2)

(Posebni ciljevi)

Program sadrži posebne ciljeve koji su usklađeni sa osnovnim ciljem programa za 2013. godinu. Posebni ciljevi su:

- 1) Zapošljavanje u obrtu i poduzetništvu,
- 2) Zaštita stare gradske jezgre uz Podhranjenski potok ulaganjem u sanaciju i adaptaciju poslovnih objekata u cilju stvaranja pretpostavki za povećanje obima poslovanja i nova upošljavanja,
- 3) Jačanje institucija podrške poduzetništvu i obrtu,
- 4) Osiguranje održivog poslovanja u niskoakumulativnim djelatnostima i starim zanatima i start UP podrška za prvu registraciju obrtničke djelatnosti.

(7.3)

(Zapošljavanje u obrtu i poduzetništvu)

U okviru prvog specifičnog cilja obezbijedit će se podrška poduzetnicima i obrtnicima u sufinansiranju projekata koji omogućavaju novo zapošljavanje, povećanje broja zaposlenih, razvoj poslovanja i proširivanje obima poslovanja u obrtima i srodnim djelatnostima u cilju novog zapošljavanja.

Podrška će se prioritetno pružiti u vidu podsticaja za pokretanje novih projekata u poduzetništvu i obrtu, koji omogućavaju kreiranje novih radnih mjesta kroz nabavku mašina i uređaja, izgradnju, proširenje ili

rekonstrukciju objekata, otklanjanje uskih grla u poslovanju, uvođenje novih tehnologija u proizvodni proces, usvajanju proizvodnje novih proizvoda i povećanje dodatne vrijednosti u obrtu i poduzetništvu.

(7.4)

(Zaštita stare gradske jezgre uz Podhranjski potok ulaganjem u sanaciju i adaptaciju poslovnih objekata u cilju stvaranja pretpostavki za povećanje obima poslovanja i nova upošljavanja)

U okviru drugog specifičnog cilja obezbijedit će se podrška poduzetnicima i obrtnicima u sufinansiranju projekata adaptacije i sanacije poslovnih objekata uz Podhranjski potok u skladu sa usvojenim idejnim projektom, sa ciljem zaštite stare gradske jezgre i stvaranja pretpostavki za povećanje obima poslovanja i nova upošljavanja poduzetnicima koji se nalaze na tom lokalitetu. Implementator projekta je Obrtnička komora Bosansko-podrinjskog kantona Goraže, u saradnji sa Općinom Goražde i poduzetnicima koji se nalaze na tom lokalitetu.

Podrška će se prioritetno pružiti u vidu sufinansiranja troškova izrade projektne dokumentacije, sufinansiranju troškova uređenja javnih površina i rekonstrukcije objekata koji će biti obuhvaćeni projektom rekonstrukcije.

(7.5)

(Jačanje institucija podrške poduzetništvu i obrtu)

U okviru trećeg specifičnog cilja obezbijedit će se podrška projektima strukovnih udruženja i organizacija aktivnim u oblasti razvoja, poduzetništva i obrta kroz finansiranje ili sufinansiranje aktivnosti koje doprinose razvoju i jačanju poduzetništva i obrta. Prednost će imati projekti koji omogućavaju organizovanu podršku većem broju poduzetnika i obrtnika u razvoju njihovih kapaciteta, odnosno iskorištavanju mogućnosti za razvoj i proširivanje obima poslovanja u sektoru poduzetništva i obrta.

Podrška će se prioritetno pružiti u vidu podsticaja za projekte i aktivnosti koje doprinose razvoju i promociji poduzetništva, razvoju pojedinih obrtničkih grana, jačanju kapaciteta organizacija i udruženja koja okupljaju poduzetnike i obrtnike, organizacije posjeta sajmovima na kojima se poduzetnici pojavljuju kao izlagači ili organizovanje sajamskih događaja, sticanje novih znanja i iskustava kroz organizovanje edukacija i seminara i razvoj stručnih, organizacijskih, marketinških sposobnosti i vještina poduzetnika i obrtnika.

U okviru sredstava iz ovog posebnog cilja obezbijedit će se sredstva u iznosu do 10.000 KM za isplatu dijela troškova projekta Obrtničke komore po Zaključku Vlade Bosansko-podrinjskog kantona Goražde broj:03-14-320/12 za odlazak obrtnika i poslodavaca u Minhen 2012. godine.

(7.6)

(Osiguranje održivog poslovanja u niskoakumulativnim djelatnostima i starim zanatima)

U okviru četvrtog specifičnog cilja obezbijedit će se podrška poduzetnicima i obrtnicima u niskoakumulativnim djelatnostima i starim zanatima koja će omogućiti održivo poslovanje i zadržavanje postojećeg nivoa zaposlenosti u ovim djelatnostima i start UP podrška za prvu registraciju obrtničke djelatnosti.

Podrška će se prioritetno pružiti u vidu podsticaja za aktivnosti koje omogućavaju nabavku mašina, uređaja i repromaterijala, te rekonstrukciju i investiciono ulaganje u objekte koji omogućavaju prevazilaženje problema u poslovanju i omogućavaju dugoročno stabilno poslovanje zaposlenih u niskoakumulativnim djelatnostima i starim zanatima. U okviru ovog cilja pružit će se i start-up podrška za registraciju djelatnosti.

-8-

POTREBNA SREDSTVA ZA PROVOĐENJE PROGRAMA

(8.1)

(Visina sredstava za provođenje programa)

Potrebna sredstva za provođenje Programa definisana su Budžetom Ministarstva za privredu Bosansko-podrinjskog kantona („Službene novine Bosansko-podrinjskog kantona Goražde“, broj: 15/12), na ekonomskom kodu 614 500 POD 003 – Subvencije za podsticaj razvoja, poduzetništva i obrta u ukupnom iznosu od 200.000 KM.

(8.2)

(Maksimalni budžet po komponentama)

Programom se utvrđuje visina, odnosno maksimalni i minimalni iznos sredstava za svaki posebni cilj programa. Maksimalna ili minimalna visina sredstava za pojedinačni specifični cilj predstavlja jednu finansijsku komponentu programa.

Za svaki poseban cilj, odnosno za svaku finansijsku komponentu programa definisan je slijedeći maksimalni i minimalni budžet:

1) Zapošljavanje u obrtu i poduzetništvu

Maksimalni budžet: 100.000 KM

2) Zaštita stare gradske jezgre uz Podhranjenski potok ulaganjem u sanaciju i adaptaciju poslovnih objekata u cilju stvaranja pretpostavki za povećanje obima poslovanja i novo upošljavanje

Maksimalni budžet: 50.000 KM

3) Jačanje institucija podrške poduzetništvu i obrtu

Maksimalni budžet: 15.000 KM

4) Osiguranje održivog poslovanja u niskoakumulativnim djelatnostima i starim zanatima i start UP podrška za prvu registraciju obrtničke djelatnosti

Maksimalni budžet: 35.000 KM

(8.3)

(Preraspodjela sredstava)

U slučaju potrebe, Ministarstvo za privredu Bosansko-podrinjskog kantona Goražde može napraviti preraspodjelu sredstava sa jedne na drugu komponentu (posebnog cilja) u iznosu do maksimalno 10 procenata od iznosa komponente sa koje se sredstva prenose. Preraspodjelu ovih sredstava Ministarstvo za privredu Bosansko-podrinjskog kantona Goražde će izvršiti Odlukom ministra za privredu.

U slučaju postojanja opravdane potrebe za korekcijom iznosa sredstava planiranih za svaki posebni cilj programa do maksimalno 25 procenata Ministarstvo za privredu Bosansko-podrinjskog kantona Goražde može napraviti preraspodjelu sredstava uz saglasnost Vlade Bosansko-podrinjskog kantona Goražde.

U slučaju izmjene ukupne vrijednosti programa koja je rezultat Izmjene i dopune Budžeta Bosansko-podrinjskog kantona Goražde, preusmjerenja sa drugih kodova ili na druge kodove unutar budžeta ministarstva i preusmjeravanja između budžetskih korisnika, Ministarstvo za privredu Bosansko-podrinjskog kantona Goražde se ovlašćuje da može vršiti izmjenju i dopunu programa u skladu sa potrebama na osnovu kojih su donešene odluke o preusmjeravanju, povećanju ili smanjenju ukupne vrijednosti programa uz saglasnost Vlade.

-9-

KRITERIJI ZA RASPODJELU SREDSTAVA

(9.1)

(Način raspodjele sredstava)

Raspodjela sredstava vrši se dodjelom državne pomoći za svrhe predviđene tačkom 7. programa koja može biti dodjeljena jednom ili više puta u skladu sa odredbama ovog programa.

Raspodjela sredstava vršiće se na osnovu odobrenih projekata i zahtjeva za sredstvima u skladu sa svakim posebnim ciljem programa. Konačnu saglasnost na spisak korisnika sredstava državne pomoći iz ovog programa daje Vlada Bosansko-podrinjskog kantona Goražde.

Sredstva iz ovog programa dodjeljivaće se u formi projektnog finansiranja (plaćanje unaprijed) i u formi subvencioniranja troškova (naknadno plaćanje). Dodjela sredstava se može vršiti u hitnim slučajevima i na osnovu zahtjeva za podrškom u realizaciji pojedinačne aktivnosti ili potrebe isključivo na način propisan programom.

(9.2)

(Kriteriji za raspodjelu)

Sredstva iz budžeta kantona će se dodjeljivati korisnicima srazmjerno njihovom doprinosu ostvarivanju opštih i posebnih ciljeva i očekivanih rezultata programa. Za ocjenjivanje doprinosa ostvarivanja ciljeva programa primjenjivat će se dva eliminatorna kriterija i jedan kriterij za rangiranje aplikacija.

Eliminatorni kriteriji su:

1. ispunjavanje opštih uslova za učestvovanje u programu,
2. ispunjavanje posebnih uslova za učestvovanje u programu,

Kriterij po osnovu kojeg će se rangirati korisnici sredstava je rezultat procesa apliciranja, selekcije i evaluacije projekata i zahjeva.

(9.3)

(Opšti uslovi za učestvovanje u programu)

U implementaciji programa primjenjivaće se restriktivne procedure koje omogućavaju ravnopravno učestvovanje u programu svim licima koja spadaju u jednu od slijedećih kategorija:

- a. da imaju rješenje o registraciji za obrt i srodne djelatnosti koje je izdao nadležni sudski ili upravni organ u Federaciji BiH i da im je prebivalište (registracija) na prostoru Bosansko-podrinjskog kantona Goražde;
- b. da su registrovana kao privredna društva shodno odredbama Zakona o privrednim društvima F BiH,
- c. da su registrovani kao lokalne zajednice-općine, komore ili strukovna udruženja u skladu sa Zakonom,
- d. da su registrovana kao udruženja i da su aktivna u oblasti razvoja poduzetništva i obrta.

Lica koja spadaju u jednu od kategorija iz predhodnog stava za učestvovanje u programu obavezna su ispunjavati slijedeće opšte uslove:

1. da imaju registraciju na prostoru Bosansko-podrinjskog kantona Goražde,
2. da imaju uvjerenje o poreznoj registraciji,
3. da u momentu podnošenja aplikacije imaju minimalno jednog i maksimalno četiri stalno zaposlena radnika na neodređeno vrijeme, osim lokalnih zajednica-općina, udruženja i Obrtničke komore Bosansko-podrinjskog kantona Goražde,
4. da se ne nalaze u procesu stečaja ili likvidacije ili blokade računa,

5. da nemaju neizmirenih obaveza za poreze i doprinose, osim obaveza za koje su obuhvaćene ugovorom o reprogramiranju obaveza,
6. da nemaju neizmirenih obaveza po osnovu članarine obrtničkoj komori u skladu sa zakonom,
7. da imaju uvjerenje da im nije blokiran bankovni račun kod poslovne banke kod koje je otvoren.

(9.4)

(Posebni uslovi za učestvovanje u programu)

U implementaciji programa, pored opštih, primjenjivaće se i posebni uslovi za učestvovanje u programu.

Posebni uslovi koji se primjenjuju za aplikante u okviru prvog posebnog cilja su:

1. da spadaju u a. i b. kategoriju lica kojima je opštim uslovima omogućeno učestvovanje u programu,
2. da su registrovana minimalno jednu godinu dana od dana podnošenja aplikacije za učestvovanje u programu, osim u slučaju preregistracije u skladu sa Zakonom,
3. da su namjenski utrošili sredstva odobrena od strane Ministarstva za privredu Bosansko-podrinjskog kantona Goražde u periodu od protekle tri godine ukoliko im je takva pomoć dodjeljena,
4. da nisu koristili sredstva Programa podrške razvoju poduzetništva i obrta u 2011. godini,
5. da u toku 2012. godine nisu smanjivali broj zaposlenih radnika,
6. da u toku 2013. godine planiraju aktivnosti koje omogućavaju otvaranje novih radnih mjesta.

Posebni uslovi koji se primjenjuju za aplikante u okviru drugog posebnog cilja su:

1. da spadaju u c. i d. kategoriju lica kojima je opštim uslovima omogućeno učestvovanje u programu,
2. da su registrovana minimalno jednu godinu dana od dana podnošenja aplikacije za učestvovanje u programu, osim u slučaju preregistracije u skladu sa Zakonom,
3. da su namjenski utrošili sredstva odobrena od strane Ministarstva za privredu Bosansko-podrinjskog kantona Goražde u periodu od protekle tri godine ukoliko im je takva pomoć dodjeljena,

Posebni uslovi koji se primjenjuju za aplikante u okviru trećeg posebnog cilja su:

1. da spadaju u c. kategoriju lica kojima je opštim uslovima omogućeno učestvovanje u programu,
2. da su registrovana minimalno jednu godinu dana od dana podnošenja aplikacije za učestvovanje u programu, osim u slučaju preregistracije u skladu sa Zakonom,
3. da su namjenski utrošili sredstva odobrena od strane Ministarstva za privredu Bosansko-podrinjskog kantona Goražde u periodu od protekle tri godine ukoliko im je takva pomoć dodjeljena,

Posebni uslovi koji se primjenjuju za aplikante u okviru četvrtog posebnog cilja su:

1. da spadaju u kategoriju a) lica kojima je opštim uslovima omogućeno učestvovanje u programu,
2. da su namjenski utrošili sredstva odobrena od strane Ministarstva za privredu Bosansko-podrinjskog kantona Goražde u periodu od protekle tri godine ukoliko im je takva pomoć dodjeljena,
3. da nisu koristili sredstva Programa podrške razvoju poduzetništva i obrta u 2011. godini,

4. da su registrovana u 2013. godini i koji prvi put registriraju obrt, osim u slučaju preregistracije u skladu sa Zakonom.

(9.5)

(Kandidovanje prijedloga projekta i podnošenje zahtjeva za sredstvima)

Prijedlozi projekata i zahtjevi za sredstvima dostavljaju se nakon objavljivanja javnog poziva, koji se raspisuje u skladu sa odredbama programa.

Prijedlozi projekata se dostavljaju za apliciranje na sredstva u okviru 1. posebnog cilja, po objavljivanju javnog poziva u skladu sa rokovima koji su definisani javnim pozivom.

U okviru drugog posebnog cilja finansiraće se aktivnosti Projekta razvoja komunalne arhitekture I koji je kao prioritetni projekat definisan Programom razvoja Bosansko-podrinjskog kantona Goražde do 2014. godine (Službene novine Bosansko-podrinjskog kantona Goražde broj 10/11). Prijedlozi projekata i zahtjevi za sredstvima u okviru ovog posebnog cilja mogu se dostavljati 15 dana nakon objavljivanja Programa u Službenim novinama Bosansko-podrinjskog kantona Goražde u skladu sa odredbama ovog programa i u skladu sa aktima Vlade Bosansko-podrinjskog kantona Goražde o finansiranju ili sufinansiranju aktivnosti na implementaciji Projekta razvoja komunalne infrastrukture I.

U okviru trećeg posebnog cilja moguće je dostavljanje prijedloga projekta u skladu sa Zaključkom Vlade BPK Goražde broj: 03-14-320/12 od 21.03.2012. godine, koji se može dostaviti 15 dana nakon objavljivanja Programa u Službenim novinama Bosansko-podrinjskog kantona Goražde.

Podnošenje zahtjeva za sredstvima dozvoljeno je u izuzetnim slučajevima, u vanrednim okolnostima i u slučaju finansiranja jedne ili manjeg broja aktivnosti do limita koji je propisan za finansiranje zahtjeva za aktivnosti u okviru 1., 2., i 3. posebnog cilja.

U okviru četvrtog posebnog cilja, aplikanti dostavljaju isključivo zahtjeve za sredstvima.

Minimalno jedan javni poziv će se raspisati za 1. poseban cilj programa.

Pravilno popunjavanje propisane forme omogućava da se svi aspekti prijedloga projekata i zahtjeva za sredstvima objektivno selektiraju i procjene.

Svi prijedlozi projekata ili zahtjevi procjenjuju se u skladu sa procedurama apliciranja, selekcije, evaluacije i rangiranja.

-10-

PROCEDURE APLICIRANJA, SELEKCIJE I EVALUACIJE PROJEKATA I ZAHTJEVA ZA SREDSTVIMA

(10.1)

(Aplikanti)

Lica koja ispunjavaju opšte uslove za učestvovanje u programu i koja u formi propisanoj od strane Ministarstva za privredu Bosansko-podrinjskog kantona Goražde dostave prijedlog projekata i zahtjev za sredstvima imaju status aplikanta. Aplikant može odabrati najpovoljniji način apliciranja na sredstva.

Prvi javni poziv se raspisuje u roku od 15 dana od dana dobivanja saglasnosti koja je propisana programom. Javni poziv minimalno sadrži sažetak svrhe, opšteg i posebnog ciljeva, način raspodjele i rokove za dostavljanje aplikacija.

Javni poziv se objavljuje na internet stranici Vlade Bosansko-podrinjskog kantona i u jednom ili više elektronskih medija.

Krajnji rok za objavljivanje javnih poziva je 01. novembar 2013.godine u 16:00 sati.

(10.2)

(Kandidovanje prijedloga projekata)

Aplikant može kandidovati prijedlog projekta u kojem je planirano sufinansiranje troškova projekta iz sredstava programa.

Aplikant može dostaviti samo jedan prijedlog projekta u okviru prvog ili drugog posebnog cilja, osim Obrtničke komore Bosansko-podrinjskog kantona Goražde. Aplikanti mogu dostaviti više prijedloga projekata u okviru trećeg posebnog cilja. Prijedlozi projekata se ne dostavljaju u okviru četvrtog specifičnog cilja, a aplikanti mogu dostaviti samo jedan zahtjev za sredstvima.

Ministarstvo za privredu Bosansko-podrinjskog kantona Goražde će raspisati drugi javni poziv za dostavljanje prijedloga projekata ukoliko se u prvom javnom pozivu ne utroše sva planirana sredstva programa, ukoliko dodje do povećanja budžeta, te ukoliko se sredstva planirana za finansiranje zahtjeva i podsticaja ne utroše u vremenskom planu koji je određen programom.

(10.3)

(Finansiranje prijedloga projekata)

Ukupan budžet predloženog projekta koji aplikanti dostavljaju za finansiranje ne može biti manji od 3.000 KM i veći od 60.000 KM.

Minimalni i maksimalni iznos granta koji može biti zatražen za sufinansiranje projekta je u rasponu od 3.000 KM do 50.000 KM.

Maksimalan iznos granta koji može biti zatražen po zahtjevima je 3.000 KM.

Aplikanti su obavezni da osiguraju vlastito učešće u finansiranju projekata u iznosu od minimalno 20 %.

Prijedlozi projekata čiji ukupni iznos prelazi maksimalni iznos projekta; u kojima je planirani grant veći ili manji od utvrđene visine i projekti u kojima nije obezbjeđeno vlastito učešće u skladu sa prethodnim stavom će u fazi administrativne provjere biti automatski odbijeni kao neprihvatljivi za finansiranje.

Minimalni i maksimalni iznos granta za sufinansiranje projekata iz sredstava ovog programa su definisani u rasponu za svaki specifični cilj u tabeli 1.

Tabela 1:

Pregled minimanih i maksimalnih iznosa grant sredstava zafinansiranje iz programa

	Ukupan budžet po komponenti	Minimalni iznos granta	Maksimalni iznos granta
Zapošljavanje u obrtu i poduzetništvu	100.000 KM	5.000 KM	10.000 KM
Zaštita stare gradske jezgre uz Podhranjenski potok ulaganjem u sanaciju i adaptaciju poslovnih objekata u cilju stvaranja pretpostavki za povećanje obima	50.000 KM	3.000 KM	50.000 KM

poslovanja i nova upošljavanja

Jačanje institucija podrške poduzetništvu i obrtu	15.000 KM	3.000 KM	10.000 KM
Osiguranje održivog poslovanja u niskoakumulativnim djelatnostima i starim zanatima i start UP podrška za prvu registraciju obrtničke djelatnosti	35.000 KM	300	3.000 KM

(10.4)

(Podnošenje zahtjeva za sredstvima)

Za apliciranje za sredstva u okviru četvrtog posebnog cilja predviđeno je isključivo podnošenje zahtjeva za sredstvima.

U okviru prvog, i trećeg posebnog cilja, u slučaju postojanja hitnih, manjih ili specifičnih zahtjeva koji su direktno povezani sa ciljevima programa, aplikanti mogu dostaviti zahtjeve za sredstvima.

Aplikant ne može u toku godine u okviru istog cilja dostaviti i prijedlog projekta i zahtjev za sredstvima. Ukoliko je aplikant koristio sredstva programa putem zahtjeva za sredstvima, njegov prijedlog projekta, ukoliko je podnešen za isti cilj kao i zahtjev, biće automatski odbijen.

Zahtjev za sredstvima aplikant podnosi u propisanoj aplikacionoj formi za zahtjeve.

Istovremeno aplikant može podnijeti samo jedan zahtjev za sredstvima.

U slučaju pozitivne odluke, aplikant može podnijeti novi zahtjev za sredstvima, tek nakon prihvatanja izvještaja o utrošku sredstava po odobrenom zahtjevu. U slučaju odbijanja zahtjeva u procesu evaluacije, aplikant može podnijeti novi zahtjev tek nakon isteka 30 dana od dana prijema obavještenja o odbijanju zahtjeva.

Aplikant može dostaviti zahtjeve za sredstvima od dana objavljivanja ovog programa u „Službenim novinama Bosansko-podrinjskog kantona Goražde“ do 01. novembra 2013. godine.

(10.5)

(Obavezni sadržaj zahtjeva)

Prilikom apliciranja u vidu zahtjeva za odobravanje sredstava, aplikant je obavezan navesti slijedeće informacije:

- osnovne podatke o aplikantu,
- opis usklađenosti zahtjeva sa konkretnim specifičnim ciljem,
- razlog zbog kojeg se zahtjevom traži odobravanje sredstava sa opisom mjera poduzetim prije podnošenja zahtjeva,
- pregled planiranih aktivnosti koje se planiraju poduzeti u slučaju odobravanja sredstava,
- očekivani rezultat koji se planira ostvariti u slučaju odobravanja sredstava,
- iznos traženih sredstava iz programa i iznos sredstava koji bi se obezbijedio iz drugih izvora.

Zahtjev za sredstvima koji je podnešen od aplikanta obavezno mora biti usklađen sa prioritetima i finansijskim kriterijima koji su definisani u programu. Zahtjevi koji ne ispunjavaju formu obaveznog sadržaja,

odnosno zahtjevi koji nisu usklađeni sa prioritetima i finansijskim kriterijima u administrativnoj provjeri biti će odbačeni kao neprihvatljivi za finansiranje.

(10.6)

(Finansiranje zahtjeva za sredstvima)

Minimalni i maksimalni iznos granta koji može biti zatražen u formi zahtjeva je u rasponu od 300 KM do 3.000 KM.

Zahtjevi u kojima je planirani grant veći ili manji od utvrđene visine će u fazi administrativne provjere biti automatski odbijeni kao neprihvatljivi za finansiranje.

Vlastita sredstva aplikanta su poželjna, ali nisu obavezujuća.

(10.7)

(Otvaranje aplikacija i administrativna provjera)

Otvaranje aplikacija i administrativna provjera za prijedloge projekata se provodi najkasnije 30 dana od zatvaranja javnog poziva. Aplikacije za zahtjeve za sredstvima se otvaraju nakon prijema i kao takve upućuju u proceduru administrativne provjere i ocjenjivanja.

Administrativna provjera se provodi u cilju utvrđivanja da li lice koje je dostavilo aplikaciju ispunjava uslove za dobivanje statusa aplikanta u skladu sa odredbama ovog programa. Administrativnu provjeru vrši komisija Ministarstva privrede. Komisija provjerava da li je aplikacija zadovoljila slijedeće uslove:

- da je aplikacija dostavljena u roku i na način predviđen programom,
- da su dostavljeni svi prilozi na način predviđen programom,
- da aplikant ispunjava opšte uslove za učestvovanje u programu,
- da aplikant ispunjava posebne uslove za kandidovanje projekta i zahtjeva za sredstvima,
- da je aplikacija potpuna i ispravno popunjena u skladu sa propisanom formom,
- da je aplikacija usklađena sa svrhom programa, opštim ciljem programa, da je zahtjevana podrška u skladu sa posebnim ciljevima programa i da je predloženo finansiranje u skladu sa odredbama o finansiranju.

Ukoliko su ovi uslovi ispunjeni, komisija će aplikaciju evaluirati u skladu sa odredbama programa. Komisija može zatražiti od aplikanta dostavljanje dodatne dokumentacije ukoliko je očigledno da je dokument izostavljen zbog slučajne tehničke greške a što se može indirektno utvrditi na osnovu preostale dostavljene dokumentacije. Komisija može zatražiti dopunu dokumentacije za maksimalno dva priloga koji dokazuju ispunjavanje opštih ili posebnih uslova koja su propisana programom. U suprotnom aplikacija će i bez evaluacije biti odbijena iz administrativnih razloga.

Aplikacije pisane rukom će biti automatski odbijene.

Nakon provedene administrativne procedure, Ministarstvo će obavijestiti sve aplikante o rezultatima administrativne provjere.

(10.8)

(Evaluacija dostavljenih prijedloga projekata)

Komisija provodi evaluaciju dostavljenih prijedloga projekata nakon provedene administrativne provjere. Za provođenje procesa selekcije, evaluacije i ocjenjivanja projekata Ministarstvo za privredu Bosansko-podrinjskog kantona Goražde formira komisiju.

Komisija sve dostavljene aplikacije razmatra i evaluira u periodu od maksimalno 30 dana od završetka administrativne provjere.

U evaluaciju projekata komisija primjenjuje pet grupa indikatora i to:

- Finansijski i operativni kapaciteti aplikanta
- Relevantnost
- Metodologija
- Održivost
- Budžet i troškovna efikasnost

(10.9)

(Evaluacija dostavljenih zahtjeva za sredstvima)

Komisija provodi evaluaciju zahtjeva nakon provedene administrativne provjere.

U evaluaciju zahtjeva komisija primjenjuje tri grupa indikatora i to:

- Relevantnost
- Održivost
- Budžet i troškovna efikasnost.

(10.10)

(Ocjenjivanje aplikacija)

Evaluacija aplikacija se provodi na osnovu skale za evaluaciju. Evaluacijski kriteriji su podjeljeni u okviru grupa i podgrupa. Za svaku podgrupu komisija daje ocjenu između 1 i 5 prema slijedećim kategorijama procjena:

- 1 - veoma slabo;
- 2 - slabo;
- 3 - adekvatno;
- 4 - dobro;
- 5 - veoma dobro.

Svaka ocjena se množi sa koeficijentom koji je za svaki indikator predviđen u evaluacijskoj skali. Maksimalan broj bodova za projekat iznosi 100, dok je maksimalan broj bodova za zahtjev za sredstvima 80.

Projekti koji imaju manje od 70 bodova, odnosno zahtjevi za sredstvima koji imaju manje od 50 bodova se odbacuju u prvom krugu selekcije. Ukoliko je ukupan rezultat u poglavlju **relevantnost** manji od 15 aplikacija se odbija, bez obzira na dobiven ukupan maksimalan broj bodova. Ukoliko je ukupan rezultat u poglavlju **budžet i troškovna efikasnost** manji od 15 aplikacija se odbija, bez obzira na dobiven ukupan maksimalan broj bodova.

Komisija će procjenjivati vrijednost indikatora. Prilikom određivanja vrijednosti indikatora komisija će se pridržavati prioriteta, finansijskih kriterija i načina rangiranja koji su propisani programom. Svi članovi komisije dodjeljuju ocjene, a ukupan broj bodova se dobija kada se ocjene dobivene od svih članova komisije podjeli sa brojem članova komisije.

(10.11)

(Skala za evaluaciju)

INDIKATOR	SKALA	
	Projekti	Zahtjevi
1. Finansijski i operativni kapaciteti aplikanta	10	
1.1. Procjenjeni nivo iskustva aplikanta u upravljanju projektom?	5	-
1.2. Procjenjeni nivo tehničkog i stručnog znanje i iskustva neophodnog za implementaciju projekata?	5	-
2. Relevantnost	25	25
2.1. Koliko je aplikacija relevantna za svrhu, opšti i posebne ciljeve Programa?	5	5
2.2. Koliko je aplikacija relevantna za prioritetne aktivnosti u okviru svakog specifičnog cilja?	5x2	5x2
2.3. Koliko je aplikacija relevantna za očekivane rezultate programa?	5x2	5x2
3. Metodologija	10	
3.1. Da li su aktivnosti u prijedlogu projekta odgovarajuće i konzistentne sa ciljevima i očekivanim rezultatima projekta?	5	-
3.2. Koliko je koherentan dizajn projekta, konkretna analiza problema, da li su predložene aktivnosti odgovarajuće za rješavanje prezentiranog problema, te da li su na zadovoljavajući način planirani raspoloživi resursi aplikanta a koji mogu doprinijeti rješavanju problema?	5	-
4. Održivost	25	25
4.1. Da li će mjere podrške programa značajnije doprinijeti rješavanju problema koji je naveden u prijedlogu projekta ili zahtjevu?	5	5x2
4.2. Da li predložene aktivnosti mogu imati pozitivne multiplikativne efekte razvoj poduzetništva i obrta u Bosansko-podrinjskom kantonu Goražde?	5x2	5
4.3. Da li su očekivani rezultati aktivnosti za koje se traži finansiranje održivi u finansijskom smislu i da li će se ostvarivati i nakon prestanka finansiranja iz programa, u periodu od minimalno tri godine?	5x2	5x2
5. Budžet i troškovna efikasnost	30	30
5.1. Da li je odnos između planiranih troškova i očekivanih rezultata zadovoljavajući?	5x2	5x2
5.2. Da li je visina predloženih troškova adekvatna za implementaciju planiranih aktivnosti?	5x2	5x2
5.3. Da li su predloženi troškovi aktivnosti obrazloženi na način da dokazuju da će sredstva programa biti iskorištena na efikasan i ekonomičan način?	5x2	5x2
MAKSIMALAN BROJ BODOVA	100	80

(10.12)

(Procedure odobravanja prijedloga projekata)

Za projekte koji su u procesu evaluacije dobili više od 70 bodova, komisija rangira po broju osvojenih bodova.

U procesu odobravanja, Komisija može uvidom na terenu provjeriti stanje u pogledu uklađenosti stvarnog stanja sa stanjem navedenim u prijedlogu projekta.

Nakon provedenog rangiranja odobravaju se svi najbolje rangirani projekti do visine raspoloživih sredstava koja su programom definisana za svaki pojedinačni cilj. Svi najbolje rangirani projekti za koje postoje raspoloživa sredstva imaju status odobrenih projekata.

Prijedlozi projekata koji imaju više od 70 bodova, ali za čije finansiranje nema raspoloživih sredstava stavljaju se na listu čekanja u slučaju obezbjeđenja dodatnih sredstava za program ili donošenja odluke o preraspodjeli sredstava u skladu sa odredbama programa. U suprotnom prijedlog projekta se odbija.

Nakon provedenog rangiranja, Komisija predlaže odobravanje prijedloga projekta u punom ili umanjenom iznosu u zavisnosti od rezultata procesa evaluacije.

Sve odobrene projekte Ministarstvo za privredu Bosansko-podrinjskog kantona Goražde predlaže Vladi Bosansko-podrinjskog kantona Goražde da donese Odluku o odobravanju prijedloga projekta koji će se sufinansirati sredstvima iz budžeta Bosansko-podrinjskog kantona – ekonomski kod 614 500 POD 003 – Subvencije za podsticaj razvoja, poduzetništva i obrta.

Istovremenom sa prijedlogom Odluke o odobravanju prijedloga projekta, Vladi Bosansko-podrinjskog kantona Goražde se dostavlja odobreni prijedlog projekta i prednacrt Ugovora o sufinansiranju odobrenog projekta.

Ukoliko se Odlukom Vlade Bosansko-podrinjskog kantona Goražde o davanju saglasnosti na spisak korisnika odobrava iznos granta veći od 10.000 KM, prije potpisivanja Ugovora, nacrt Ugovora dostavlja se Kantonalnom pravobranioocu na Mišljenje.

U slučaju da je planirano sufinansiranje projekta iz programa veće od 6.000 KM i manje od 50.000 KM, uz prednacrt Ugovora podnosi se i Prijedlog Zaključka Vlade Bosansko-podrinjskog kantona Goražde o davanju saglasnosti Ministru za privredu Bosansko-podrinjskog kantona Goražde za potpisivanje Ugovora.

Nakon prihvatanja prijedloga Odluke od strane Vlade Bosansko-podrinjskog kantona Goražde, i pribavljenog Mišljenja kantonalnog pravobranilaštva na Nacrt Ugovora, pristupa se potpisivanju Ugovora za sufinansiranje projekta o čemu se aplikant pismeno obavještava.

Ugovorom se definiše način implementacije projekta, vrijeme implementacije, obaveze korisnika sredstava i Ministarstva za privredu Bosansko-podrinjskog kantona Goražde i način obezbjeđenja instrumenata za namjenski utrošak sredstava.

Nakon potpisivanja Ugovora, Ministarstvo za privredu Bosansko-podrinjskog kantona Goražde predlaže Vladi Bosansko-podrinjskog kantona Goražde da u skladu sa Zakonom o izvršenju Budžeta, donese odluku o odobravanju sredstava iz budžeta Ministarstva za privredu Bosansko-podrinjskog kantona Goražde – ekonomski kod 614 500 POD 003 – Subvencije za podsticaj razvoja, poduzetništva i obrta u skladu sa potpisanim Ugovorom.

Nakon prihvatanja prijedloga Odluke o odobravanju zahtjeva za isplatom sredstava od strane Vlade Bosansko-podrinjskog kantona Goražde, zahtjev za plaćanje se dostavlja Ministarstvu za finansije.

(10.13)

(Procedure odobravanja zahtjeva za sredstvima)

Aplikacije podnešene u formi zahtjeva Komisija će rangirati po broju osvojenih bodova, za one zahtjeve koji su u procesu evaluacije dobili više od 50 bodova.

U procesu odobravanja, Komisija može uvidom na terenu provjeriti ispunjavanje uslova za dobijanje podrške u pogledu uklađenosti stvarnog stanja sa stanjem navedenim u zahtjevu za sredstvima.

Nakon provedenog rangiranja, Komisija predlaže odobravanje zahtjeva u punom ili umanjenom iznosu u zavisnosti od rezultata procesa evaluacije. U toku provođenja procedura odobravanja zahtjeva Komisija vodi računa o prethodno odobrenim zahtjevima, odobrenim projektima, odnosno projektima koji se nalaze u procesu odobravanja. Komisija može predložiti privremenu suspenziju procedura odobravanja zahtjeva najviše do 3 mjeseca, nakon čega donosi konačni prijedlog odluke.

Zahtjevi za sredstvima koji imaju više od 50 bodova, ali za čije finansiranje nema raspoloživih sredstava stavljaju se na listu čekanja u slučaju obezbjeđenja dodatnih sredstava za program ili donošenja odluke o preraspodjeli sredstava u skladu sa odredbama programa. U suprotnom zahtjev za sredstvima se odbija.

Sve odobrene zahtjeve Ministarstvo za privredu Bosansko-podrinjskog kantona Goražde predlaže Vladi Bosansko-podrinjskog kantona Goražde da u skladu sa Zakonom o izvršenju Budžeta, donese Odluku o odobravanju sredstava iz budžeta Ministarstva za privredu Bosansko-podrinjskog kantona Goražde – ekonomski kod 614 500 POD 003 – Subvencije za podsticaj razvoja, poduzetništva i obrta.

Ugovorom će se definisati način implementacije sredstava, vrijeme implementacije, obaveze korisnika sredstava i Ministarstva za privredu Bosansko-podrinjskog kantona Goražde i način obezbjeđenja instrumenata za namjenski utrošak sredstava.

Nakon prihvatanja prijedloga Odluke o odobravanju zahtjeva za isplatom sredstava od strane Vlade Bosansko-podrinjskog kantona Goražde zahtjev je odobren i Ministarstvo za privredu Bosansko-podrinjskog kantona Goražde dostavlja zahtjev za plaćanje Ministarstvu za finansije.

Podnosioci prijave čija imena nisu objavljena u predloženim rang listama korisnika grant sredstava mogu uložiti prigovor Ministarstvu za privredu Bosansko-podrinjskog kantona Goražde u roku od 7 (sedam) dana od dana objave na oglasnoj ploči Bosansko-podrinjskog kantona Goražde i web stranici www.bpkg.gov.ba, radi provjere činjenica i objektivnosti ocjene prijave.

Konačnu Odluku o prijedlogu rang liste za dodjelu grant sredstava donosi ministar za privredu Bosansko-podrinjskog kantona Goražde, a o dodjeli grant sredstava Vlada Bosansko-podrinjskog kantona Goražde.

-11-

PRIORITETI, PRIORITETNA PODRUČJA, FINANSIJSKI KRITERIJI I NAČIN RANGIRANJA

(11.1)

(Prioritetne aktivnosti)

Prioritetne aktivnosti i mjere su definisane zasebno za svaki posebni cilj.

Prioritetne aktivnosti i mjere koje imaju prednost za učestvovanje u programu u okviru prvog posebnog cilja su:

- izgradnja, rekonstrukcija i investicije u objekte u cilju kreiranja novih radnih mjesta u poduzetništvu i obrtu,

- nabavka mašina i uređaja za proširenje proizvodnih kapaciteta u cilju kreiranja novih radnih mjesta u poduzetništvu i obrtu,
- zapošljavanje stručne radne snage koja se nalazi na evidenciji Službe za zapošljavanje Bosansko-podrinjskog kantona Goražde,

Prioritetne aktivnosti i mjere koje imaju prednost za učestvovanje u programu u okviru drugog posebnog cilja su:

- izrada idejnog projekta zaštite stare gradske jezgre uz Podhranjenski potok
- zaštita stare gradske jezgre uz Podhranjenski potok ulaganjem u sanaciju i adaptaciju poslovnih objekata u cilju stvaranja pretpostavki za povećanje obima poslovanja i nova upošljavanja

Prioritetne aktivnosti i mjere koje imaju prednost za učestvovanje u programu u okviru trećeg posebnog cilja su:

- promocija poduzetništva i obrtničke djelatnosti, posebno kroz organizovanje sajmovi i drugih promotivnih aktivnosti na području Bosansko-podrinjskog kantona Goražde,
- pružanje podrške u jačanju kapaciteta poduzetnika i obrtnika u oblasti poslovnog planiranja, finansija, organizacije i marketinga,
- organizovanje posjete strukovnim sajmovima u zemlji i inostranstvu po Zaključku Vlade Bosansko-podrinjskog kantona Goražde broj:03-14-320/12 i sajmovima na kojima se poduzetnici i obrtnici Bosansko-podrinjskog kantona Goražde pojavljuju kao izlagači.

Prioritetne aktivnosti i mjere koje imaju prednost za učestvovanje u programu u okviru četvrtog posebnog cilja su:

- podsticaj za neophodnu rekonstrukciju objekata u kojima se obavlja niskoakumulativna djelatnost, deficitarno zanimanje ili stari zanat u cilju osiguravanja minimalnih uslova za normalno obavljanje djelatnosti,
- podsticaj za nabavku nove opreme ili zamjenu postojeće u cilju osiguravanja minimalnih tehničkih uslova za rad koji omogućavaju poboljšanje uslova za obavljanje djelatnosti i održivo poslovanje u niskoakumulativnim zanimanjima, deficitarnim i/ili starim zanatima.
- podsticaj za nabavku repromaterijala za deficitarna zanimanja ili za stare zanate kako bi se dostigao održivi nivo poslovanja koji bi u dužem vremenskom periodu osiguralo zadržavanje djelatnosti i radnih mjesta
- podsticaj za registraciju obrtničke djelatnosti u 2013. godini do visine troškova nastalih registracijom obrta.

Aplikanti u prijedlozima projekata ili zahtjevima za sredstvima mogu predvidjeti i implementaciju ostalih aktivnosti i mjera koje su povezane sa posebnim ciljevima programa.

Za ocjenjivanje doprinosa predložene prioritetne aktivnosti primjenjivat će se posebni finansijski kriteriji.

(11.2)

(Prioritetna područja)

Programom nisu predviđena prioritetna područja ili grane poduzetništva ili obrta.

(11.3)

(Finansijski kriteriji)

Finansijski kriteriji se primjenju za ocjenu budžeta i troškovne efikasnosti predloženih aktivnosti.

Za ocjenjivanje odnosa planiranih troškova i očekivanih rezultata, te adekvatnosti, efikasnosti i ekonomičnosti aktivnosti, primjenjivaće se slijedeći finansijski kriteriji:

- a. Za aktivnosti koje omogućavaju izgradnju, rekonstrukciju i investicije u objekte u cilju kreiranja novih radnih mjesta u poduzetništvu i obrtu primjenjivat će se finansijski kriterij od maksimalno 4.000 KM državne pomoći po jednom novootvorenom radnom mjestu,
- b. Za aktivnosti koje omogućavaju nabavku mašina i uređaja za proširenje proizvodnih kapaciteta u cilju kreiranja novih radnih mjesta u poduzetništvu i obrtu primjenjivat će se finansijski kriterij od maksimalno 6.000 KM državne pomoći po jednom novootvorenom radnom mjestu,
- c. Za aktivnosti koje omogućavaju zapošljavanje stručne radne snage koja se nalazi na evidenciji Službe za zapošljavanje Bosansko-podrinjskog kantona Goražde, primjenjivat će se dodatni finansijski kriteriji koji kriterije a., b., povećavaju za 20 %,
- d. Za aktivnosti promocije, poduzetništva i obrtničke djelatnosti, posebno kroz organizovanje sajмова i drugih promotivnih aktivnosti na području Bosansko-podrinjskog kantona Goražde, primjenjivat će se finansijski kriterij od maksimalno 3.000 KM po jednom događaju,
- e. Za aktivnosti na jačanju institucionalnih kapaciteta obrtničke komore i organizacija koje zastupaju interese poduzetnika i obrtnika primjenjivat će se opšti finansijski kriteriji koji su propisani programom,
- f. Za aktivnosti pružanja podrške u jačanju kapaciteta poduzetnika i obrtnika u oblasti poslovnog planiranja, finansija, organizacije i marketinga primjenjivat će se kriterij od minimalno 25 % učešća direktnih korisnika u finansiranju troškova aktivnosti,
- g. Za aktivnosti u oblasti organizacije posjete strukovnim sajmovima u zemlji i inostranstvu primjenjivat će se kriterij od maksimalno 75 % troškova koji će se finansirati iz sredstva programa i to maksimalno po 300 KM po direktnom korisniku,
- h. Za aktivnosti neophodne rekonstrukcije objekata u kojima se obavlja niskoakumulativna djelatnost, deficitarno zanimanje ili stari zanat u cilju osiguravanja minimalnih uslova za normalno obavljanje djelatnosti, primjenjivat će se finansijski kriterij od maksimalno 2.000 KM po korisniku,
- i. Za aktivnosti u oblasti nabavke nove opreme ili zamjenu postojeće u cilju osiguravanja minimalnih tehničkih uslova za rad koji omogućavaju poboljšanje uslova za obavljanje djelatnosti i održivo poslovanje u niskoakumulativnim zanimanjima, deficitarnim i/ili starim zanatima, primjenjivat će se finansijski kriterij od maksimalno 3.000 KM po korisniku,
- j. Za aktivnosti u oblasti nabavke repromaterijala za deficitarna zanimanja ili za stare zanate kako bi se dostigao održivi nivo poslovanja koji bi u dužem vremenskom periodu osiguralo zadržavanje djelatnosti i radnih mjesta, primjenjivat će se finansijski kriterij od maksimalno 1.500 KM po korisniku,
- k. Za aktivnosti registracije poduzetnika i obrtnika primjenjivat će se finansijski kriterij ukupnih troškova registracije djelatnosti.

Finansijski kriteriji u oblasti izgradnje objekata i nabavke opreme se međusobno isključuju, a Komisija će odobriti kriterij koji je povoljniji za aplikanta.

(11.4)

(Način rangiranja)

Prilikom ocjenjivanja finansijskih i operativnih kapaciteta prednost će se dati aplikantima koji redovno izmiruju obaveze prema porezima i doprinosima u odnosu na aplikante koji imaju reprogram duga, koji su duži

vremenski period aktivni na području kantona, koji su veći broj godina poslovali sa dobitkom, koji imaju bolju organizacionu strukturu, koji su u posljednje tri godine provodile slične projekte.

Prilikom ocjenjivanja relevantnosti projekta prednost će se davati projektima koji su predviđeni programom, a komisija će voditi računa o raznolikosti i zastupljenosti proizvodnje proizvoda i usluga na području kantona koje su predmet apliciranih projekata.

Prednost će se dati aplikacijama koje imaju za cilj realizaciju prioritetnih aktivnosti i mjera predviđenih ovim programom. Posebna pažnja će biti data aplikacijama koje doprinose ostvarivanju više prioritetnih aktivnosti i mjera predviđenih programom.

Prednost u pružanju podrške će se dati projektima i zahtjevima koje omogućavaju ostvarivanje većih rezultata koji su predviđeni ovim programom. Prednost će se dati aplikantima koji su u protekle tri godine zabilježili veći broj zaposlenih radnika i onim aplikantima koji u ovom periodu nisu smanjivali broj zaposlenih radnika.

Prilikom ocjenjivanja metodologije ocjenjivat će se metode i predloženi način realizacije aktivnosti. Aplikacije koje imaju bolje razrađenu metodologiju i koherentniji plan implementacije projekta ili zahtjeva će imati prednost pri rangiranju.

Prilikom ocjenjivanja održivosti projekta, prednost imaju aplikacije koje na sveobuhvatniji način rješavaju problem i omogućavaju ostvarivanje rezultata, koje provode aktivnosti koje su bolje povezane sa potrebama poduzetništva i obrta i koje mogu dugoročno osigurati nastavak aktivnosti i nakon završetka projekta.

Prikom ocjenjivanja budžeta i troškovne efikasnosti prednost će se dati aplikacijama koje bolje ispunjavaju finansijske kriterije programa i koji su planirali veće učešće vlastitih sredstava u implementaciji projekta.

(11.5)

(Prednost pri odobravanju projekata)

Prednost pri odobravanju projekata koji se odnose na prvi specifični cilj, će imati aplikanti, koji:

- su u 2012. godini iskazali višak prihoda nad rashodima,
- u 2012. godini nisu imali otkaze radnicima,
- su u 2012. godini imali rast ukupnog poslovanja i novog zapošljavanja,
- da su PDV obveznici.

Aplikanti dokazuju ispunjavanje uslova dostavljanjem prijava za razrez poreza za 2012. godinu, kao i uvjerenja o broju novouposlenih radnika.

-12-

NAZIV KORISNIKA SREDSTAVA

(12.1)

(Korisnici sredstava)

Korisnici sredstava su lica koja ispunjavaju opšte i posebne uslove programa i koji su uspješno završili proces apliciranja, selekcije i evaluacije i koji su uspješno rangirani za korištenje sredstava iz ovog programa.

(12.2)

(Registar korisnika)

Ministarstvo za privredu Bosansko-podrinjskog kantona Goražde vodi registar korisnika u kojem se nalaze svi relevantni podaci o datoj državnoj pomoći u okviru ovog programa za period od pet godina od godine dobijanja državne pomoći.

-13-

PROCJENA REZULTATA

(13.1)

(Pregled očekivanih rezultata podrške)

Aplikanti su dužni u prijedlogu projekta navesti specifične rezultate koji su direktno povezani sa očekivanim rezultatima ovog programa i moraju biti mjerljivi i jasno vremenski određeni.

Očekivani rezultati Program podrške razvoju poduzetništva i obrta u Bosansko-podrinjskom kantonu Goražde u 2013. godini su:

- povećanje obima poslovanja u poduzetništvu i obrtu kroz podsticaj u ulaganja u nabavku nove opreme i ulaganje u objekte,
- osnaženi kapaciteti institucija aktivnim u oblasti razvoja poduzetništva i obrta,
- povećanje broja zaposlenih u poduzetništvu i obrtu,
- povećanje broja zaposlenih stručnih kadrova u poduzetništvu i obrtu,
- poboljšanje stanja u ukupnom sektoru poduzetništva i obrta,
- povećanje broja registriranih poduzetnika i obrtnika,
- prevazilaženje poteškoća u radu i zadržavanje postojećeg broja uposlenih u niskoakumulativnim djelatnostima i starim zanatima.

Sve aplikacije koje se podnose za finansiranje iz sredstava programa će biti procjenjivane u odnosu na njihove očekivane rezultate. Očekivani rezultati prijedloga projekata i zahtjeva za sredstvima se procjenjuju u odnosu na očekivane rezultate programa.

Očekivani rezultati koji su predloženi u prijedlogu projekta će se koristiti za ocjenu kvalitete prijedloga projekta i njegovog doprinosa ostvarivanju ciljeva programa, a takođe će biti kriterij za ocjenu namjenskog utroška sredstava i ispunjavanja ugovorenih obaveza po odobrenim grantovima Ministarstva za privredu Bosansko-podrinjskog kantona Goražde.

Mjerenje rezultata aktivnosti će se vršiti na osnovu rezultata monitoringa implementacije i rezultata obilaskom korisnika na terenu i na osnovu pismenih izvještaja korisnika sredstava.

U cilju osiguranja procjene rezultata programa odabrani korisnici koji su dobili podršku dužni su nakon utroška odobrenih sredstava dostaviti Ministarstvu za privredu Izvještaj o provedenim aktivnostima koja su odobrena za finansiranje iz programa. Odabrani korisnici dužni su dostavljati jedan izvještaj na polovini i konačan izvještaj na kraju implementacije projekta. Forma i sadržaj Izvještaja o utrošku sredstava će biti dostavljena svim korisnicima sredstava.

(13.2)

(Kvantitativni pregled očekivanih rezultata)

Očekivani rezultati projekta su u skladu sa zacrtanim ciljevima iz Programa rada Vlade Bosansko-podrinjskog kantona Goražde za 2013. godinu, u kojem su kao prioriteti rada definisani uspostavljanje efikasnog modela podrške razvoju poduzetništva i obrta, povećanje broja zaposlenih u poduzetništvu i obrtu,

poboljšanje položaja poduzetnika i obrtnika koji se suočavaju sa poteškoćama u poslovanju i smanjenje registrovane nezaposlenosti.

Implementacijom Programa podrške razvoju poduzetništva i obrta pružit će se podrška za minimalno 20 projekata dostavljenih od strane poduzetnika i obrtnika.

Programom će se takođe pružiti podrška institucijama aktivnim u oblasti razvoja poduzetništva i obrta kroz finansiranje minimalno 3 projekta kojim će se organizovano pružiti podrška poduzetnicima ili će se pokrenuti aktivnosti koje će imati za rezultat poboljšanje stanja u ukupnom poduzetničkom odnosno obrtničkom sektoru.

Implementacijom programa planirano je minimalno otvaranje 20 novih radnih mjesta u poduzetništvu i obrtu. Od 20 novih radnih mjesta planirano je da 14 radnih mjesta bude popunjeno sa radnicima sa odgovarajućom srednjom stručnom spremom kako bi se doprinijelo poboljšanju stručnih znanja i vještina zaposlenih u poduzetništvu i obrtu. Pet novih radnih mjesta je planirano osigurati kroz podršku za registraciju obrtničke djelatnosti, posebno u sektorima u kojima je zabilježen nizak broj registrovanih obrtničkih djelatnosti.

U oblasti unaprijeđenja stanja u ukupnom sektoru poduzetništva i obrta planirana je podrška za minimalno tri projekta koji će doprinijeti jačanju kapaciteta poduzetnika i obrtnika, te kroz aktivnosti organizovanja promotivnih događaja i jačanje kapaciteta komora i strukovnih udruženja.

Pored podrške u otvaranju novih radnih mjesta implementacijom programa će se omogućiti podrška za minimalno 18 obrtnika koji zbog specifičnog poslovanja imaju poteškoće da dostignu održivi nivo poslovanja.

Prilikom procesa ocjenjivanja prijedloga projekata primjenjivat će se okvir koji je definisan za očekivane rezultate programa i on se nalazi u tabeli broj 2.

Tabela 2:
Tabelarni pregled minimalnih očekivanih rezultata i očekivanih maksimalnih iznosa podsticaja

Očekivani rezultat	Minimalni očekivani rezultat	Jedinica rezultata	Maksimalni iznos podsticaja		
			Broj jed.	Maksimalni budžet (KM)	Maksimalni podsticaj po jedinici rezultata (KM)
Pružena podrška poduzetnicima i obrtnicima u aktivnostima na razvoju poslovanja	Pružena podrška poduzetnicima u otvaranju novih radnih mjesta	Projekat	10	100.000	10.000
	Zaštita starog gradskog jezgra uz Podhranjenski potok -I faza	Projekat	1	50.000	50.000
	Izrada idejnog rješenja zaštite stare Gradske jezgre općine Goražde	Projekat	1	20.000	20.000
Pružena podrška institucijama aktivnim u oblasti razvoja poduzetništva i obrta	Pružena podrška institucijama za projekte čiji su korisnici poduzetnici i obrtnici	Projekat	3	15.000	10.000
	Pružena podrška institucijama za projekte u cilju razvoja poduzetništva i obrta	Projekat	2	5.000	2.500
Povećanje broja zaposlenih u poduzetništvu i obrtu	Obezbjedeći podsticaji za otvaranje novih radnih mjesta u poduzetništvu i obrtu	Radno mjesto	6	36.000	6.000
	Obezbjedeći podsticaji za otvaranje novih radnih mjesta za stručnu radnu snagu	Radno mjesto	14	64.000	4.570
Smanjenje registrovane nezaposlenosti na području BPK Goražde	Smanjenje broja nezaposlenih osoba sa evidencije Službe za zapošljavanje	Osoba	20	na	na
Poboljšanje stanja u ukupnom sektoru poduzetništva i obrta	Obezbjedeći podsticaji za posjetu međunarodnim sajmovima	Projekat	1	10.000	10.000

	Organizovani promotivni događaji na području kantona kroz pružanje podrške udruženjima obrtnika i Obrtničkoj komori Bosansko-podrinjskog kantona Goražde	Zahtjev	2	5.000	2.500
Očuvanje radnih mjesta u niskoakumulativnim djelatnostima i starim zanatima	Zadržana radna mjesta u niskoakumulativnim djelatnostima u obrtu	Radno mjesto	8	18.000	2.250
	Zadržana radna mjesta u starim zanatima kroz pomoć u repromaterijalu	Radno mjesto	10	15.000	1.500
Povećanje broja registrovanih poduzetnika i obrtnika	Podržano pet zahtjeva za podršku u registraciji djelatnosti	Obrt	5	2.000	400

(13.3)

(Monitoring implementacije programa)

Monitoring se provodi sa ciljem utvrđivanja da li se implementacija podržanih aktivnosti provodi u skladu sa potpisanim ugovorima i u skladu sa odredbama ovog programa. U cilju osiguranja procjene rezultata odabrani korisnici su dužni nakon utroška odobrenih sredstava dostaviti Ministarstvu za privredu Bosansko-podrinjskog kantona Goražde izvještaj o provedenim aktivnostima koja su odobrena za finansiranje iz programa i to jedan izvještaj na polovini i konačan izvještaj na kraju implementacije projekta.

Nadzor realizacije Programa utroška sredstava sa ekonomskog koda 614 500 – Subvencije za podsticaj razvoja, poduzetništva i obrta vrši Ministarstvo za privredu Bosansko-podrinjskog kantona Goražde.

Mjerenje rezultata i provedenih aktivnosti će se vršiti na osnovu periodičnog monitoringa implementacije projekta sačinjavanjem zapisnika uz koji će biti sva neophodna dokumentacija kojom se dokazuje implementacija namjenskog utroška dodijeljenih sredstava.

U slučaju da rezultati monitoringa ukažu na značajni zaostatak u ispunjavanju ugovorenih obaveza, ministarstvo predlaže vladi donošenje odluke o povratu dodjeljenje državne pomoći ili preusmjeravanje u skladu sa odredbama programa.

-14-

PROCJENA NEPREDVIĐENIH RASHODA I RIZIKA

(14.1)

(Nepredviđeni rashodi)

Programom nije predviđena mogućnost pojavljivanja nepredviđenih rashoda iznad rashoda koji su definisani programom. Kako bi se smanjili nepredviđeni rashodi unutar sheme podsticaja uvedeni su strogi finansijski kriteriji koji ograničavaju obim ostvarivanja podsticaja. Dodatno obezbjeđenje za nepredviđene rashode je uvedeno kroz minimalne maksimalne vrijednosti izdataka za svaki specifični cilj čime je program dodatno zaštićen od nepredviđenih rashoda.

(14.2)

(Rizici)

Kako bi se smanjili rizici u procesu implementacije programa uvedene su novine i u procesu selekcije i monitoringu aktivnosti koje su podržane u okviru ovog programa. Novine se odnose u omogućavaju službenicima terenske posjete i prikupljanje dodatnih informacija neophodnih za proces selekcije, te monitoring u toku same implementacije aktivnosti i mjera koje su podržane ovim programom.

Aplikanti su dužni planirati odgovarajuće mjere koje će poduzeti u slučaju ostvarivanja rizika koji mogu uticati na ostvarivanje ciljeva i rezultata koji su predviđeni u aktivnostima i mjerama za koje su dobili podršku iz ovog programa.

-15-

POTREBAN BROJ RADNIKA ZA PROVOĐENJE PROGRAMA

Za provođenje programa su nadležni zaposleni u Ministarstvu za privredu Bosansko-podrinjskog kantona Goražde i program ne zahtijeva angažovanje dodatnih radnika na provođenju programa, izuzev za korištenje vanjskih usluga za potrebe izrade baze podataka registra korisnika.

Radnici Ministarstva za privredu Bosansko-podrinjskog kantona Goražde koji će biti uključeni u implementaciju projekta su:

- | | | |
|---|--|------------------|
| - | Supervizor programa: | Almas Pita |
| - | Službenik za monitoring i izvještavanje: | Belma Mešić-Šeho |
| - | Namještenik nadležan za administraciju: | Refija Tatarin |

Broj: 04-14-345/13

Goražde, 21.02.2013..godine

MINISTAR

Demir Imamović dipl.ecc

Saglasnost na ovaj Program dala je Vlada Bosansko-podrinjskog kantona Goražde, Odlukom broj:03-14-355/13 dana 22.02. 2013. godine.